



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KTK 0200756 26
Sarajevo, 26.06.2026. godine

OPĆINSKI SUD U SARAJEVU
N/r Sudija za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem

O P T U Ž N I C U

PROTIV:

MILAN MIOKOVIĆ, rođen 1964. godine, nastanjen u ulici, po narodnosti Bosanac, državljanin BIH, JMB:, po zanimanju doktor medicine, zaposlen u Javnoj ustanovi Dom zdravlja Kantona Sarajevo - Odjel za kvalitet i sigurnost u zdravstvu, ranije obavljao funkciju Generalnog direktora Javne ustanove Dom zdravlja Kantona Sarajevo, oženjen, otac dvoje punoljetne djece, pismen, završena VSS, služio vojni rok u JNA u Titovoj Mitrovici, R. Srbija, nema čin rezervnog vojnog starješine, ne vodi u vojnoj evidenciji kod organa nadležnog za poslove odbrane, nije odlikovan, srednjeg imovnog stanja, nije osuđivan, nije izdržavao kaznu, ne vodi se postupak za neko drugo krivično djelo,

što je:

u periodu od 18.11.2024.god. do 02.12.2024. godine u Sarajevu, postupajući u svojstvu odgovorne osobe prema članu 2. tačka 6. KZ FBiH kao Generalni direktor Javne ustanove Dom zdravlja Kantona Sarajevo koji prema odredbi *član 68. alineja 1. Zakona o zdravstvenoj zaštiti Federacije BiH („Sl. novine FBiH“ br. 46/2010 i 75/2013)* organizira i vodi poslovanje, predstavlja i zastupa zdravstvenu ustanovu i odgovoran je za zakonitost rada, *člana 36. Statuta Javne ustanove Dom zdravlja Kantona Sarajevo broj 01-01-1600-52-30/13 od 03.10.2013.god. („Sl.glasnik KS“ broj: 40 od 17.10.2013.god.)* rukovodi domom zdravlja, organizuje i vodi poslovanje, predstavlja i zastupa dom zdravlja i odgovoran je za zakonitost rada doma zdravlja, *člana 38. stav 1. tačke: a) organizira i vodi dom zdravlja, b) predstavlja i zastupa dom zdravlja i u njegovo ime zaključuje ugovore u zemlji i inostranstvu, c) poduzima sve pravne radnje u ime i za račun doma zdravlja, j) donosi sve odluke u vezi sa zasnivanjem i raskidom radnog odnosa – na način i u skladu sa federalnim zakonom, l) odlučuje u prvom stepenu o pravima i obavezama zaposlenika iz rada i uvezi sa radom, a u skladu sa Zakonom o radu, Kolektivnim ugovorom, Statutom i drugim opštim aktima doma zdravlja, m) izdaje naloge i upute za rad pojedinih*

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871
Elektronska pošta: kant_tuz@bih.net.ba, Web stranica: kt-sarajevo.pravosudje.ba

organizacionih jedinica, službi nemedicinskih poslova, zaposlenika ili grupe zaposlenika, a radi izvršavanja određenih poslova, r) u izvršavanju poslova iz svoje nadležnosti generalni direktor donosi odluke, naloge, rješenja, uputstva, preporuke, naredbe i sl., člana 38. stav 2. samostalno odlučuje o korištenju sredstava Doma zdravlja do iznosa od 6.000,00 KM, a za iznose preko 6.000,00 KM potrebna je saglasnost Upravnog odbora Doma zdravlja, a shodno članu 45. stav 2. Zakona o javnim nabavkama Bosne i Hercegovine, svjesno i htijući iskoristio svoja ovlaštenja u namjeri da pribavi korist A.Đ.P., uposlenici Javne ustanove Dom zdravlja Kantona Sarajevo na radnom mjestu doktor stomatologije u Organizacionoj jedinici Dom zdravlja Ilidža, u vidu poptunog oslobađanja od rada uz isplatu bruto plata radi nastavka pohađanja samofinansirajuće specijalizacije koju je prema Rješenju Federalnog ministarstva zdravstva broj od 05.04.2023.god. dobila na lični zahtjev za samofinansiranje, te korist u vidu pismene garancije radnog mjesta spijaliste za dječiju i preventivnu stomatologiju u JU Dom zdravlja Kantona Sarajevo nakon završetka samofinansirajuće specijalizacije, na način da je protivno interesima službe postupio protivno odredbama člana 15. stav 1. Pravilnika o specijalizaciji i subspecijalizacijama zdravstvenih radnika i zdravstvenih saradnika („Sl.novine FBiH“ broj 75 od 19.10.2020.god.) i člana 46. Pravilnika o stručnom obrazovanju i usavršavanju u JU Dom zdravlja Kantona Sarajevo broj 04-01-695-126/21 od 14.06.2021.god. kojima je propisano da zdravstveni radnik koji je rješenjem ministra odobrena specijalizacija u smislu stava 3. prethodnog člana, a koji je u radnom odnosu u ustanovi i ima važeći ugovor o radu zaključuje aneks ugovora o radu kojim reguliše obavljanje specijalističkog staža za period trajanja specijalizacije kao i međusobna prava i obaveze, te s tim u vezi i prethodnog člana 45. stav 3. kojim je propisano da na osnovu podnijetog dokumentiranog zahtjeva iz stava 2. istog člana a po provedenom postupku federalni ministar zdravstva donosi rješenje kojim odobrava specijalizaciju u vezi sa stavom 2. istog člana kojim je propisano da se uz zahtjev iz stava 1. podnosi, između ostalog, i pravosnažna odluka o izboru specijalizanta (dodjeli specijalizacije) i dokaz o provedenom javnom konkursu za prijem specijalizanta, svjestan i znajući da ista nema pravni osnov za odsustvo sa posla uz usplatu bruto plata, jer A.Đ.P. nije dobila specijalizaciju putem Javne ustanove Dom zdravlja Kantona Sarajevo u postupku po javnom konkursu i u smislu odredbi člana 14. stav 1. Pravilnika o specijalizacijama i subspecijalizacijama zdravstvenih radnika i zdravstvenih saradnika („Sl.novine FBiH“ broj 75 od 19.10.2020.god.) prema kojem zahtjev za specijalizaciju ministarstvu podnosi zdravstvena ustanova, već svjestan i znajući da je specijalizaciju iz preventivne i dječije stomatologije dobila na lični zahtjev i čije troškove snosi ona lično počev od dana 20.04.2023.god. prema odredbi člana 5. Pravilnika o načinu i postupku odobravanja specijalizacija odnosno subspecijalizacija državljanima Bosne i Hercegovine na lični zahtjev broj od 05.10.2010.god., te protivno odredbama člana 8. stav 1. Pravilnika o radu, unutrašnjoj organizaciji i sistematizaciji radnih mjesta i plaćama radnika Javne ustanove Dom zdravlja Kantona Sarajevo broj 01-01—271-255/22 od 30.11.2022.god. kojim je propisano da se zapošljavanje vrši na određeno ili neodređeno vrijeme na osnovu javnog oglašavanja radnog mjesta u

skladu sa Uredbom o postupku prijema u radni odnos u javnom sektoru na teritoriji Kantona Sarajevo, ili prema odredbama članova 17. stav 1. i 18. stav 1. istog Pravilnika donošenjem odluke o raspisivanju internog oglasa, svjestan i znajući da se zapošljavanje na mjesto specijaliste dječije i preventivne stomatologije u JU Dom zdravlja Kantona Sarajevo može izvršiti samo na gore propisani način ili na osnovu ugovora o specijalizaciji ili aneksa postojećeg ugovora o radu koji reguliše odlazak na specijalizaciju dobijenu putem Javne ustanova Doma zdravlja Kantona Sarajevo, nezakonito i protivno interesima Javne ustanove Dom zdravlja Kantona Sarajevo dana 18.11.2024.god. izdao nezakonit pisani Nalog broj Službi pravnih, kadrovskih i opštih poslova da isti bez pravnog osnova tj. bez prethodnog postojanja *pravosnažne odluke o izboru specijalizanta (dodjeli specijalizacije) i dokaza o provedenom javnom konkursu za prijem specijalizanta*, i bez prethodnog oglašavanja radnog mjesta specijaliste dječije i preventivne stomatologije u skladu sa Uredbom o postupku prijema u radni odnos u javnom sektoru na teritoriji Kantona Sarajevo, odnosno bez odluke o raspisivanju internog oglasa za radno mjesto specijaliste dječije i preventivne stomatologije, isti pripreme akt pod nazivom Sporazum između Javne ustanove Dom zdravlja Kantona Sarajevo sa A.Đ.P. kojim će ista biti nadalje oslobođena od redovnog rada u Javnoj ustanovi Dom zdravlja Kantona Sarajevo i kojim se JU Dom zdravlja Kantona Sarajevo obavezuje da će nakon polaganja specijalističkog ispita A.Đ.P. rasporediti na poslove i radne zadatke specijaliste dječije i preventivne stomatologije u skladu sa potrebama Javne ustanove Dom zdravlja Kantona Sarajevo, a što je i htio, pa nakon što je navedena služba po nalogu sačinila pismeni Sporazum, isti potpisao dana 02.12.2024.god. pod brojem:, koji je potpisala i A.Đ.P., a kojim Sporazumom je po njegovom prethodnom pismenom Nalogu nezakonito u članu 3. određeno da se JU Dom zdravlja Kantona Sarajevo obavezuje da će *Đ.P. dr. A. do završetka specijalizacije osloboditi redovnog rada u Stomatološkoj službi – OJ DZ Ilidža i da će je nakon položenog specijalističkog ispita rasporediti na poslove i radne zadatke specijaliste dječije i preventivne stomatologije u skladu sa potrebama JU Dom zdravlja Kantona Sarajevo, te kojim je u članu 5. određeno da Sporazum stupa na snagu danom potpisivanja i članom 6. određeno da Sporazum ima snagu izvršne isprave*, te je takvim svjesnim i voljnim postupanjem istoj pribavio korist u vidu nezakonitog odsustva sa posla u periodu od 03.12.2024.god. do 31.03.2025.god. uz isplatu pune bruto plate iz radnog odnosa za mjesec decembar 2024.god. u visini od 5.485,99 KM, za mjesec januar 2025.god. u visini od 5.633,35 KM, mjesec februar 2025.god. u visini od 5.022,14 KM i mjesec mart 2025.god. u visini od 4.611,26 KM tj. u ukupnom iznosu od 20.752,74 KM, a za koji iznos je nanio štetu Javnoj ustanovi Dom zdravlja Kantona Sarajevo, te istoj pribavio i korist u vidu pismene garancije radnog mjesta doktora specijaliste dječije i preventivne stomatologije u Domu zdravlja Kantona Sarajevo,

dakle, kao odgovorna osoba u Federaciji iskoristio svoje službene ovlasti i pribavio drugom korist,

čime bi, počino krivično djelo zloupotreba položaja ili ovlaštenja iz člana 383. stav 1. KZ FBiH,

.....

.....

IV

Na osnovu člana 45. stav 1. i 2. ZKP FBiH i člana 71. tačka c), 72., 73. i 76. stav 1. i 2. KZ FBiH, **u odnosu na osumnjičenog Milana Miokovića predlažemo izricanje sigurnosne mjere zabrane vršenja poziva, aktivnosti ili funkcije na rukovodećim pozicijama u svim samostalnim i kolektivnim organima upravljanja u javnim ustanovama i drugim pravnim licima na osnovu člana 76. stav 1. i 2. KZ FBiH u trajanju od 5 godina** računajući od dana pravosnažnosti odluke, s obzirom da je osumnjičeni počinio krivično djelo vezano uz svoj poziv, djelatnost ili dužnost, jer postoji opasnost da bi takvo obavljanje moglo poticajno djelovati da počinio novo krivično djelo vezano uz svoj poziv, djelatnost ili dužnost.

KANTONALNI TUŽILAC